



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

15. Si simplices sacerdotes, tum religiosi tum sæculares, nolint sacramenta ministrare, an possit Episcopus illos cogere?

**urn:nbn:de:hbz:466:1-41077**

tis, atque ideo omnes sacerdotes quoslibet pœnitentes à quibusvis peccatis & censuris absoluerè possunt.

Dices secundo. Quid si iniuste recusè pastor sacramenta ministrare, vel latere domi, vel tergiuerfetur, vel aliàs inique se absentet, tenebuntur quoque & illo casu alii sacerdotes.

R. Tenebuntur, sicut vno prædiuicte elemosinam recusante alicui in extrema necessitate constituto, quamuis ille peccet, non propterea alii huius necessitati conscii excusantur; neque excusat quod pastor sit domi & tergiuerfetur, quia si nolit sacramenta ministrare, perinde est moraliter loquendo, ac si præsens non sit, in sequentibus fiet manifestius.

#### Q V Æ S T I O XV.

*Si simplices sacerdotes tum religiosi tum seculari nolint sacramenta ministrare, an possit Episcopus illos cogere.*

Quæstionis explicatio.

**D**iximus superiori quæstione absente siue iuste siue iniuste pastore, tenebuntur quemuis sacerdotem tempore pestis ministrandis sacramentis populo seruire: Cum autem eo casu superuenient quisqu



quisque, vt ante diximus, timore contagi-  
onis excusationes neccere & officium hoc  
subterfugere soleat, quæritur an Episcopus  
illo casu poterit simplices sacerdotes ad  
illud officium cogere?

*Responsio.*

**P**Oterit, primo. Quia ante diximus, illo  
casu extremæ scilicet necessitatis quili-  
bet sacerdos tenetur vti potestate & gratia  
sibi à Christo tradita absolueno à censu-  
ris & peccatis & alia sacramenta ministrā-  
do, poterit ergo Episcopus cogere sacer-  
dotes, præsertim sibi subditos, vt id per-  
soluant, ad quod obligantur. Secundo,  
Quia Episcopi est providere ne populus  
sit sine sacerdotibus qui illi ministrent sa-  
cramenta, & alia ad salutem necessaria: sed  
nulla alia est, pro illo temporis articulo, ra-  
tio providendi, quam vt Episcopus ex illis  
eligat & cogat, quos existimet magis vtilis  
& idoneos: Ergo poterit cogere, & illi te-  
nebuntur obedire: quia mandatum per se  
iustum est, maxime in casu tantæ necessi-  
tatis in quo versamur: Si enim vnquam tū  
vel maxime sacerdotes videntur obligari,  
ad exhibendum obedientiam quā omnes  
tam regulares quam seculares in sua ordi-  
natione vel expresse promittunt aut eo  
ipso quo incolæ & diœcesani fiunt, tacite

*a l. 3. in prin.  
l. rescrip. in  
fine. ac ibidē  
Dd. Ti. de  
munerib. &  
honor.*

D 2 profi-



a *dist. 74. c.*  
3. *¶ 4.*

profidentur. Postremo Episcopus secundū  
(a) canones potest quemcumq; clericum  
vel diaconum suspendere ab officio, si vo-  
lenti illum promouere ad altiore gradū  
propter bonum ecclesiæ non obtempera-  
uerit: Ergò similiter poterit cogere vt mu-  
nia pastoralia obeat. Ita doctores nostri (b)  
Caletanus, Sotus (c) & per eos citati.

b *1. 2. q. 26.*  
art. 4.

c *De iust. &*  
*iur. lib. 1. q. 6.*  
art. 4. *¶ re-*  
*lect. 1. de te-*  
*gendo secreto*  
*memb. 3. q. 4.*

Dices huiusmodi sacerdotes non tenē-  
tur, ne quidem casu tantæ necessitatis et  
iustitia particulari ministrare sacramenta,  
ergo ad hoc cogi non possunt.

d *Lessius de*  
*iust. & iure,*  
*li. 2. c. 7. dub.*  
*7. num. 39.*

Re. Quicquid sit de antecedente, negan-  
dam esse consequentiam, potest (d) enim  
ad multa nos cogere superior seu ecclesia-  
sticus seu secularis, ad quæ ex iustitia non  
tenemur, vt v. g. ad dandam eleemosynam  
in magna fame ad vendendum frumentū,  
ad vitadum sumptus immōdicos in vestes  
& conuiuia, ad vitandam ebrietatem, for-  
nicationem, incestū, sodomiam, blasphemiam,  
certos ludos & similia.

Dices: Si omnes sacerdotes indifferen-  
ter tenentur, quem primo coget Episcopus

Re. Videri cogendum illum qui agrote  
plurib. rationibus deuinctus est, vt si sacer-  
dos sit agro sanguine vel affinitate coniun-  
ctus; vel si religiosus est qui ab agro magna  
beneficia accepit, vel qui loco vicinior est

& sic



& sic de aliis, per illa, quæ docet Illustriss.  
Borromæus (a) de cura pestilentia, & nos <sup>ac. 27. nu. 4.</sup>  
inferius aliqua suo loco dicemus. <sup>Es.</sup>

## QVÆSTIO XVI.

*Si Episcopus velit cogere sacerdotes seculares illi autem inter alias excusationes pratexerunt se parentes habere, qui præcipiunt, ut cum eis à loco contagioso recedant, an parere debeant Episcopo vel parentibus.*

## Quæstionis explicatio.

**C**ontra præcedentem assertionem multæ solent excusationes afferri, potissimum ab eis sacerdotibus qui parentes pauperes habent, quos sua industria & fructibus suorum beneficiorum alunt: Hi enim, ut alias excusationes omittamus, obtendunt se teneri parentibus: Quæritur idcirco, ad quod horum obligentur?

*Responsio.*

**T**enentur obedire Episcopo: quia privata utilitati communis præferenda est, ut patet: Cum ergo Episcopus præcipiat ad communem utilitatem, pater autem ad privatam, mandatum Episcopi præferendum est mandato patris, præsertim, si (ut supponimus) ex vna parte periclitatur salus animarum, & ex altera salus tantum corporalis

D 3 patris